

**161** Enn fremur eru undanþegnar kirkjur, samkomuhús og íþróttahús, sem ekki eru  
12. n.év. leigð út til skemmtana, skólahús, barnahæli, sjúkrahús, elliheimili, þinghús og hús annarra ríkja, að svo miklu leyti sem þau eru notuð af sendimönnum þeirra í milli-ríkjaerindum. Hið sama er um lóðir, sem fylgja slíkum húsum og lóðir, sem eru til opinberra þarfa.

Ef ágreiningur verður um skattskyldu fasteignar, sker ráðherra úr, en heimilt er aðilum að skjóta málinu til dómstólanna.

#### 8. gr.

Fasteignaskattinum fylgir lögveð í fasteign þeirri, sem hann er lagður á, og skal ásamt dráttarvöxtum í 2 ár frá gjalddaga ganga fyrir öllum öðrum veðkröfum, er á eigninni hvila. Ef hús brennur eftir að skatturinn er fallinn í gjalddaga, er sami forgangsréttur fyrir honum í brunabótafjárhæð hússins.

#### 9. gr.

Fasteignaskatt og dráttarvöxtu má taka lögtaki.

Reglugerð þessi, sem bæjarstjórn Reykjavíkur hefur samið og samþykkt samkv. lögum nr. 67 frá 12. apríl 1945, staðfestist hér með til að öðlast gildi þegar í stað, og birtist til eftirbreytni öllum þeim, sem hlut eiga að máli.

*Félagsmálaráðuneytið, 12. nóvember 1958.*

**Hannibal Valdimarsson.**

*Hjálmar Vilhjálmsson.*

**162**

14. n.év.

## RÆKTUNARSAMÞYKKT

fyrir Búnaðarfélag Nauteyrarhrepps og Búnaðarfélag Snæfjallahrepps  
í Norður-Ísafjarðarsýslu.

Búnaðarfélag Nauteyrarhrepps og Búnaðarfélag Snæfjallahrepps í N.-Ísafjarðar-sýslu gera á grundvelli laga nr. 7 12. jan. 1945, svofellda samþykkt:

#### 1. gr.

Samþykktin nær yfir svæði Búnaðarfélags Nauteyrarhrepps og Búnaðarfélags Snæfjallahrepps í N.-Ísafjarðarsýslu.

#### 2. gr.

Tilgangur með ræktunarsamþykktinni er:

1. Að ræsa fram land til hvers konar ræktunar eftir því sem nauðsyn krefur.
2. Að framkvæma sléttun túna, sem ekki eru þegar véltæk.
3. Að taka að sér jarðvinnslu til nýræktar túna og garða.
4. Að framkvæma sléttun engja sem ekki eru þegar véltækar.

Allt þetta skal framkvæmt eftir fyrirmælum trúnaðarmanna, er Búnaðarfélag Íslands samþykkir til að hafa á hendi undirbúning um hvernig verkin skuli framkvæmd. Tilgangi sínum hyggst sambandið að ná með því að afla sér véla og áhalda.

#### 3. gr.

Aðalfundur sambandsins hefur æðsta vald í málefnum þess. Sæti á honum eiga allir meðlimir búnaðarfélaganna. Aðalfundur skal haldinn fyrir apríllok ár hvert.

## 4. gr.

Stjórn Ræktunarsambandsins skal skipuð þremur mönnum, kosnum í fyrsta sinn á stofnfundi sambandsins. Formaður kosinn sérstaklega og síðan einn úr hvorum hreppi. Hver stjórnarmaður sitji í þrjú ár. Varpa skal hlutkesti um hverjir eiga að ganga úr fyrstu tvö árin. Árlega skal kjósa tvo menn til vara, sinn úr hvorum hreppi, sem taki sæti í forföllum stjórnenda. Kosning sé jafnan skrifleg.

## 162

14. nów.

## 5. gr.

Stjórn Ræktunarsambands Nauteyrar- og Snæfjallahrepps annast allar framkvæmdir. Um kaup á vélum og áhöldum skal hafa samráð við Véladeild ríkisins. Skyld er að tryggja vélar og áhöld fyrir kostnaðarverði á hverjum tíma.

## 6. gr.

Stjórn sambandsins skal sjá um reikningshald þess. Stjórninni er heimilt að að ráða framkvæmdastjóra til eins árs í senn og ákveða honum laun. Reikningsár sambandsins er almanaksárið. Reikningsskilum skal lokið það tímanlega að endurskoðun geti farið fram fyrir aðalfund sambandsins.

## 7. gr.

Aðalfundur kýs endurskoðendur. Skulu þeir vera tveir félagsmenn í búnaðarfélögunum. Þeir skulu kosnir í fyrsta sinn á stofnfundi en síðan á víxl einn á hverjum aðalfundi. Hlutkesti skal ráða í fyrsta sinn hvor gengur úr. Endurskoðendur skulu sannprófa reikninga og bera ábyrgð fyrir aðalfundi.

## 8. gr.

Beiðnir um vinnu skulu komnar það tímanlega til stjórnar Ræktunarsambandsins að hún geti skipulagt vinnuáætlun fyrir yfirstandandi ár. Beiðninni skal fylgja greiðsluskuldbinding sem stjórnir tekur gilda.

## 9. gr.

Heimilt er stjórn sambandsins að taka að sér verk hjá öðrum aðilum, ef ekki eru verkefni fyrir hendi hjá meðlimum sambandsins og ef það brýtur ekki í bága við hagsmuni samþykktaraðila.

## 10. gr.

Ræktunarsambandið myndar stofnsjóð til kaupa á vélum og verkfærum að upphæð kr. 200000.00 — tvö hundruð þúsund krónur —.

Stofnsjóður myndast þannig:

1. Búnaðarfélög þau, er að samþykkt þessari standa, leggja fram  $\frac{1}{4}$  hluta stofnfjárins og er framlag þetta óafturkræft.
2. Heimilt er ræktunarsambandinu að taka að láni  $\frac{1}{4}$  hluta stofnfjárins ef þörf krefur.
3. Helmingur stofnfjárins er framlag ríkissjóðs til kaupa á ræktunarvélum, sem sambandið kaupir, samkvæmt ákvæðum laga nr. 7 12. janúar 1945, um jarðræktar- og húsagerðarsamþykktir í sveitum. Framlög þessi renna í stofnsjóð jafnóðum og þau eru greidd til vélakaupa sambandsins.

## 11. gr.

Til rekstrarkostnaðar telst greiðsla á vinnulaunum, viðhald og geymsla, kostnaður véla og verkfæra, kostnaður við flutning véla og áhalda milli vinnustaða, fyrningargjald, vextir og afborgun lána, stjórnarkostnaður og þar að auki 5% af vinnslukostnaðinum.

162

14. nóv.

Tillögur er fram kunna að koma til breytinga á samþykkt þessari frá búnaðarfélagunum eða framkvæmdastjóra, skulu sendar stjórn Ræktunarsambandsins, er sendir þær til búnaðarféлага þeirra er að samþykkt standa til umsagnar. Samþykki löglegur aðalfundur breytingarnar með  $\frac{3}{5}$  atkvæðisbærra fundarmanna skal stjórn sambandsins senda breytingarnar Búnaðarfélagi Íslands, er leitar staðfestingar landbúnaðarráðherra á þeim.

13. gr.

Samþykkt þessa má því aðeins nema úr gildi að fyrir liggi rökstutt álit meiri hluta samþykktaraðila um að tilgangi samþykktar verði ekki náð og lögmætur aðalfundur Ræktunarsambandsins samþykki það með a. m. k.  $\frac{3}{5}$  atkvæðisbærra fundarmanna, enda komi samþykki landbúnaðarráðherra til.

14. gr.

Að öðru leyti fer um starfrækslu sambandsins og annað því viðkomandi eftir gildandi lögum og reglugerð.

Samþykkt þessi, sem sett er samkvæmt lögum nr. 7 12. janúar 1945, um jarðræktar- og húsagerðarsamþykktir í sveitum, reglugerð um jarðræktarsamþykktir frá 20. febrúar 1946 og jarðræktarsamþykkt Búnaðarsambands Vestfjarða nr. 72 frá 21. febrúar 1947, staðfestist hér með til að öðlast gildi þegar í stað, og birtist til eftirbreytni öllum þeim, er hlut eiga að máli. Jafnframt er úr gildi numin jarðræktarsamþykkt fyrir Búnaðarfélag Snæfjallahrepps, frá 20. janúar 1949, og jarðræktarsamþykkt fyrir Búnaðarfélag Nauteyrarhrepps, frá 22. maí 1947.

*Landbúnaðarráðuneytið, 14. nóvember 1958.*

**Hermann Jónasson.**

*Þorv. K. Þorsteinsson.*

163

14. nóv.

## BYGGINGARSAMÞYKKT

fyrir Suður-Þingeyjarsýslu.

1. gr.

Byggingarsamþykkt þessi nær til hvers konar varanlegra húsbýgginga á jörðum er til lögbýla teljast, þar með talin nýbýli, svo og byggingar sem reistar eru á lóðum og lendum innan takmarka sýslunnar.

Undanskildir eru þó ákvæðum samþykktarinnar þeir löggiltir verzlunarstaðir, er hafa sett sér byggingarsamþykkt samkvæmt lögum nr. 19 frá 20. okt. 1905. Setji löggiltir verzlunarstaðir sér síðar samþykktir, þá eru þau kaupún þar með undanþegin ákvæðum byggingarsamþykktar þessarar.

2. gr.

Sýslunefnd ræður byggingarfulltrúa í samráði við Teiknistofu landbúnaðarins og stjórn Búnaðarsambands sýslunnar. Hann skal vera húsasmíðameistari með fullum réttindum og ráðinn til tveggja ára í senn.

Byggingarfulltrúi á sæti á fundum byggingarnefndar og hefur tillögurétt um öll þau mál er nefndirnar taka til úrskurðar.